

Akileraartarnermut Atugarsissaarnermullu Isumalioqatigiissitap akileraartarnermut atugarissaarnermullu immikkoortunut innersuussutaanik aallaaveqartumik aaqqissuusseqqinnermi suliaqarnernik aallartitsinissamik Naalakkersuisut peqquneqarnissaannut Inatsisartuni aalajangiiffigisassatut siunnersuut. Sulinissaq immikkoortunik ilanngussaq 1-imi taaneqartunik aallaaveqassaaq. Sulineq 2021 naatinnagu naammassineqareersimassaaq.

(Inatsisartunut ilaasortaq Múte B. Egede, Inuit Ataqatigiit)

Akissuteqaat

(Aningaasaqarnermut Naalakkersuisoq)

Akissuteqaat

(Aningaasaqarnermut Naalakkersuisoq)

Aappassaaneerpeqarnera

Aningaasaqarnermut Akileraartarnermullu Ataatsimiititaliap isumaliutissiissutaat aamma taassuma iluani allannguutissatut siunnersuut Naalakkersuisut sinnerlugit isumaqatigaakka.

Ataatsimiititaliap maanna attassinissamut periutsimut taaneqartumut isumaliutissiissummini siullermeerinninnermut akissuteqaammut apeqquteqarpoq.

Aningaasaqarnermut Siunnersuisoqatigiit aamma Aningaasaqarnermut Naalakkersuisoqarfik DREAM-gruppe suleqatigaat, taakku periutsinut ilutsinik immikkuullarissumik ilisimasaqarput, Kalaallit Nunaanni piffissaq ungasinnerusoq isigalugu aningaasaqarnikkut aamma pisortaqarfiit aningaasaqarnerannut ineriartortitsinissamut ilusermik ineriartortitsissallutik. Siunissaq isigalugu aaqqissuusseqqinnermut atortorissarutitut pingaaruteqassaaq, ilaatigut ilinniartitaanermit ingerlatsinermi, akileraartarnermut ingerlatsinermi, suliffissaqartitsinermut aamma inunnik isumaginninnermut ingerlatsinermi sunniutinik nassuiaanermit.

Tamanna pillugu annertuumik teknikikkut paasiniaanernik piviusumik ingerlatsisoqarpoq, taakku aamma Kalaallit Nunaanni Naatsorsueqqissaartarfik peqataatippaat. Ilusermik ineriartortitsilluni suliaq naammassineqarniarpat, Aningaasaqarnermut Akileraartarnermullu Ataatsimiititaliamut maanna attassiinnarnissamik periutsimut allaaserisamik ingerlatitsisoqassaaq. Tamatumani ilutsip atornerqarsinnaaneranut periarfissat aningaasaqarnermut attassiinnarnernik ineriartornermut ilaasunut, aamma ilaatigut ingerlatsinikkut sammisaqarfinni taaneqartuni aaqqissuusseqqinnissap kingunerisassaannut periuseq erseqqissaataassaaq.

Oqaaseqaatigineqartut taakku tunngavigalugit allannguutissatut siunnersuutip akuersissutigineqarnissaa neriuutigaara.